



ИЗДАВА
ТОРЖЕСТВА ПРАВОСЛАВІЯ

Оглавление

Всенощное бдение	3
Литургия	21

ВСЕНОЩНОЕ БДЕНИЕ

*По предначинательном псалме и Блажен муж, поем Господи
воззвах: глас 1:*

Стихíры воскресные, глас 1:

Вечёрняя наша молитвы/ приими, Святы́й Го́споди,/ и
пода́ждь нам оставле́ние грехо́в,/ я́ко Еди́н еси́// явлéй в
ми́ре Воскресе́ние.

Обыди́те лю́дие Сио́н,/ и обymíте Егó,/ и дади́те сла́ву
в нем Воскрéшему из ме́ртвых:/ я́ко Той есть Бог наш,>//
Избавлéй нас от беззакóний на́ших.

Прииди́те лю́дие,/ воспо́йм, и поклони́мся Христу́,/
сла́вяще Егó из ме́ртвых Воскресе́ние:/ я́ко Той есть Бог
наш,// от прéлести вра́жия мир Избавлéй.

Весели́тесь Небеса́,/ воструби́те основа́ния земли́,/
возопи́йте го́ры веселие:/ се бо Емману́ил грехи́ наша на
Крестé пригвозди́,/ и живóт дай, смерть умертви́,// Ада́ма
Воскреси́вый, я́ко Человеколю́бец.

Плóтию во́лею Распéншагося нас ра́ди,/ Пострада́вша и
Погребéнна,/ и Воскрéсша из ме́ртвых,/ воспо́йм глаго́люще:/
утверди́ правосла́вием Це́рковь Твою́, Христé,/ и умири́ жизнь
нашу,// я́ко Благ и Человеколю́бец.

Живоприёмному Твоему́ грóбу/ предстоя́ще,
недостóйнии,/ славосло́вие принóсим/ неизречённому
Твоему́ благоутрóбию, Христé Бо́же наш:/ я́ко Крест и смерть
прия́л еси́, Безгрéшне,/ да ми́рови да́руеши Воскресе́ние,//
я́ко Человеколю́бец.

Стихíры Трибди, глас 6:

Тя непостижи́мага, прёжде денни́цы/ безнача́льно из
Невещёственнаго возсия́вшаго,/ безплóтнаго же чре́ва
Роди́телева,/ проро́цы Го́споди, Твои́м Ду́хом вдохновéни,/
прорекóша Отроча́ бы́ти,/ из Неискусобра́чныя воплоща́ема,/
челове́ком совокупля́ема,/ и сущими на земли́ зри́ма,/ и́миже
я́ко ще́дрый/ просвещéния сподóби Твоегó,/ воспева́ющих

неизречённое, // и честное Твое Воскресение.

Словом Ты проповедавший/ богоглаголивии пророцы,/ и дѣлы почѣтшии,/ безконечную жизнь приплодиша,/ твари бо Владыко, паче Тебе Содетеля,/ служити не претерпевше,/ мира всего евангельски отвратишася,/ и сообразни быша страсти Твоей,/ юже провозвестиша,/ ихже молитвами,/ сподоби непорочно преити/ воздержания поприще, // единое Многомилостиве.

Естеством неописанный Божественным Твоим сый,/ на последняя Владыко воплощься,/ изволил еси описоватися,/ плоти бо приятем, и свойства вся сея взял еси./ Темже вид Твой образования описующии/ любезно целуем,/ к Твоей любви возвышаеми,/ и исцелений благодать почерпаем из него,/ апостольским последующе // Божественным преданием.

Пречестное украшение Христова Церковь,/ честных прият и святых икон,/ Спаса Христа и Богоматере,/ и всех святых светлейшее возставление,/ имже просвещается, и красуется благодатию,/ и сонмище отлагает еретическое изгонящи,/ и радуящихся славит человеколюбца Бога, // ея ради претерпевша страсти вольныя.

глас 2: Слава Отцу и Сыну и Святому Духу.

Благодатьвозсияистины,/ прообразуемаядревлесеновно,/ ныне явлено скончася:/ се бо Церковь воплощенным образом Христовым,/ яко прекрасною утварию облачится,/ скинии свидения образ пронаписующи,/ и православную веру содержащи,/ да егоже почитаем,/ сего и образ держаще, не прельщаемся,/ да облекутся в студ снце неверующии,/ нам бо слава зрак Воплотившагося/ благочестно покланяемый, не боготворимый./ Той облобызающе вернии возопийм:// Боже, спаси люди Твоя, и благослови достойние Твое.

Глас 1: И ныне и присно и во веки веков. Аминь.

Всемирную славу,/ от человек Прозябшую,/ и Владыку Родшую,/ Небесную Дверь, воспойм Марию Деву,/ Безплотных песнь, и верных удобрение:/ Сия бо явися Небо,

и Храм Божества:/ Сия преграждение вражды разрушивши,/ мир введе, и Царствие отворзе./ Сию ўбо имуще веры Утверждение,/ Поборника ймамы из Нея Родшагося Господа./ Дерзайте ўбо, дерзайте людие Божии:/ ибо Той победит враги, // яко Всесылен.

Вход с кадильом: Свете Тихий, таже прокимен и ектении по обычаю, по молитве главопреклонения исходим на литию, поющее стиху храма, и стихуры Триоди:

глас 2: Слава Отцу и Сыну и Святому Духу.

Радуйтесь пророцы честнии,/ закон Господень добре учинивши,/ и верою явльшиися необоримии столпи неуклоннии:/ вы бо и ходатаи явитесь Новаго Завета Христова,/ и преставившесе на небеса. Того молитесь, // умирите мир, и спасти души наша.

глас 2: И ныне и присно и во веки веков. Аминь.

Все упование мое/ на Тя возлагаю, Мати Божия, // сохрани мя под покровом Твоим.

По литии поем стихуры на стиховне:

Страстию Твоею, Христе,/ от страстей свободихомся,/ и воскресением Твоим из истления избавихомся, // Господи, слава Тебе.

Стих: Господь воцарися,/ в лепоту облечеса.

Да радуется тварь, небеса да веселятся,/ руками да воспещут языцы с веселием:/ Христос бо Спас наш, на Кресте пригвозди грехи наша:/ и смерть умертвив, живот нам дарова,/ падшаго Адама всероднаго Воскресивый, // яко Человеколюбец.

Стих: Ибо утверди вселенную,/ яже не подвижется.

Царь сый небесе и земли непостижиме,/ волею распялся еси за человеколюбие./ Егоже ад срет доле, огорчися,/ и праведных души приемша, возрадовашася:/ Адам же, видев Тя, Зиждителя в преисподних, воскресе./ О чудесе! Како смерти вкуси всех жизнь;/ но якоже восхотел мир просветити зовущий и глаголющий: // Воскресий из мертвых, Господи, слава Тебе.

Стих: Дóму Твоему подобáет святы́ня,/ Гóсподи, в долготу́ дней.

Жены́ мирно́сицы, мiра нося́ща,/ со тщи́нием и рыда́нием
грóба Твоегó достигóша,/ и не обрétша Пречiстаго Тéла
Твоегó,/ от А́нгела же увéдевши но́вое и преслáвное чúдо,/
Апóстолом глаго́лаху:/ воскресе́ Господь, // пода́я мiрови
вéлию мiлость.

глас 2: Сла́ва Отцу́ и Сы́ну и Свято́му Ду́ху.

Из нечéстия во благочéстие прешéдше,/ и свéтом
ра́зума просветiвшися,/ псалóмски рука́ми восплéчим,/
благодáрственно хвалу́ Бо́гу принося́ще,/ и на стена́х, и дсках,
и на свящénных сосúдех,/ начертáнным свящénным образóм
Христóвым,/ и Пречiстыя, и всех святýх,/ чéстно поклонiмся,
отлага́юще злочéстную злослáвных véру,/ [честь бо óбраза,
якоже глаго́лет Васiлий, на первоо́бразное прехóдит,]/ прося́ще
моли́твами Пречiстыя Твоея́ Мáтере, Христé Бо́же наш, и всех
святýх, // даровáти нам вéлию мiлость.

глас 2: И ны́не и прiсно и во вéки веко́в. Амiнь.

О чудесé но́ваго всех дрéвних чудес! Кто бо познá
мáтерь без мýжа рóждшую,/ и на руку́ нося́щую,/ всю тварь
Содержáщаго?/ Бóжие есть изволéние, Рóждшееся./ Егóже
я́ко Младéнца, Пречiстая,/ Твойма́ рука́ма носiвшая,/ и
Мáтерне дерзновéние к Немú имúщая,/ не престáй моля́щи о
чтúщих Тя, // ущéдрити и спасти́ дúши нáша.

*Таже Ныне отпуцаеши и обычное окончание литии. По
сем шестопсалмие и кафизмы, полиелей, Евангелие, таже
канон:*

Песнь 1:

Ирмос: Твоя́ победiтельница десни́ца/ Боголéпно вкрéпости
прослáвися:/ та бо, Безсмéртне,/ я́ко всемогúщая, протiвныя
сотрe, // Израiльтяном путь глубины́ новосодéлавшая.

Йже рука́ма пречiстыма от пёрсти/ богодéтельне испёрва
создáв мя,/ рúце распростёрл еси́ на крестé,/ от земли́ взывáя
тлénное моé тéло, // éже от Дéвы прия́л еси́.

Умерщвление подъял еси мене ради,/ и душу смерти предал еси,/ Иже вдохновением божественным душу ми вложивый,/ и отрешив вечных уз, и совоскресив// нетлением прославил еси.

Радуйся, благодати источнице,/ радуйся лестнице, и двере небесная,/ радуйся свещнице, и ручко золотая, и горю несекомая,// Яже Жизнодавца Христа миру рождшая.

Христос обожает мя, воплощаяся,/ Христос мя возносит, смиряясь,/ Христос безстрастна мя соделывает,/ страждя Жизнодавец естеством плоти.// Темже воспеваю благодарственную песнь: яко прославися.

Христос возносит мя, распинаемь,/ Христос совоскрешает мя, умерщвляемь,/ Христос жизнь мне дарует./ Темже с веселием рукама плещая,// пою Спасителю победную песнь: яко прославися.

Кую Ти достойную песнь наше принесет неможение?/ точию обрадовательную,/ ейже нас Гавриил тайно научил есть:// радуйся, Богородице Дево, Мати Невестная.

Приснодеве и Матери Царя вышних сил,/ от чистойша сердца, вернии, духовне возопийм:// радуйся, Богородице Дево, Мати Невестная.

Плещуще с веселием днесь вернии возопийм:/ коль чудна дела Твоя Христэ, и велика сила,// наше единомыслие и согласие соделавый!

День радостный богомудреннии/ приидите совершим,/ ныне небо и земля веселится, и ангелов чини,// и человеков собрания изрядно празднующе.

Превелие благодеяние видяще, руками восплещим,/ разстоящияся уды Христовы, совокуплены во единство,// и Бога похвалим мир подавшего.

Дашася Церкви днесь победительная,/ Богодвижным мановением и советом,/ Михаила же и Феодоры,// благочестно веру содержащих царей наших.

Богородичен: Оружия злочестивых исчезоша яве ересей,/ храм бо Твой Пречистая Чистая,/ во образех

украшаемый всеблаголéпно зряще, // нýне всесвящéнно
ра́дуемся.

Катав́асия, глас 4: Моря́ чермную́ пучи́ну,
невла́жными стопа́ми / дрéвний пешешествовав Изра́иль,
крестообра́зными Моисе́овыми рука́ми, // Амалíкову си́лу в
пусты́ни победилъ есть.

Песнь 3:

Ирмо́с: Еди́не ве́дый челове́ческаго существа́ немо́щь,
и ми́лостивно в не вообра́жся, / препоя́ши мя с высоты́
си́лою, / е́же вопи́ти Тебе́, Святы́й, // одушевлéнный хра́ме
неизрече́нныя сла́вы Твоея́, Человеколю́бче.

Бог Сый мне, Бла́же, па́дшаго уще́дрил еси́, / и снiти ко
мне благоволи́в, возне́сл мя еси́ распя́тием, / е́же вопи́ти Тебе́,
Святы́й: // Хра́ме одушевлéнный неизрече́нныя Твоея́ сла́вы,
Човеколю́бче.

Живо́т ипостáсный Христé сый, / в истлéвша мя, я́ко
Милосе́рдый Бог, обóлкъся, / в персть смéртную соше́д,
Влады́ко, / смéртную держáву разруши́л еси́, / и мертв
триднéвен воскре́с, // в нетлéние мя облéкл еси́.

Бо́га заче́нши во чре́ве, Де́во, Ду́хом Пресвяты́м, / пребыла́
еси́ неопали́ма, / понéже Тя купина́ законополо́жнику
Моисе́ю, / пали́мую нежего́мо, я́ве предвозвестí, // огонь
нестерпи́мый приéмшую.

И́же на своé ра́мо заблужда́емое овча́ взéмшему, / и
низложíвшему дрéвом егó грех, / Христу́ Бо́гу возопи́м: //
воздвигну́вый рог наш, свят еси́, Го́споди.

Возвéдшему Па́стыря Велíкаго из а́да Христá, / и
священноначáлием Егó апóстолы я́ве язýки упáсшему, //
и́стиною и Божéственным ве́рнии Ду́хом да послúжим.

Облак Тя лёгкий нелóжно, Де́во, имену́ем, / проро́ческим
возслéдующе рече́нием: / при́де бо на Тебе́ Госпо́дь /
низложíти егíпетския прéлести рукотворéния, // и
просветíти сим служа́ция.

Тя запечатанный воистинну лик пророческий источник,/ и заключенную дверь именовá, дѣвства Твоего, Всепѣтая,/ явственне знаменія нам пишуще:// еже сохранила еси и по рождествѣ.

Не ктому́ нечестивых еретиковъ ныне бровь вземлетя:// Божия бо сила православіе удержала есть.

Облацы пророчестии,/ животворящую с небесѣ днесь росу нам да кропят:// на востание веры.

Благогласно тайныя апостолов Христовых трубы,/ паче естества да вопиют:// честных образóв исправление.

Воспойм Христа, показавшаго нам/ царицу благочестивую, христоролюбивую,// с Боговенчанною отраслю.

Богородичен: Селение Твое священное/ достигше вернии, Пречистая,// световидною благодатию ныне озаритися, молимся.

Катавасія, глас 4: Веселится о Тебѣ Церковь Твоя, Христѣ, зовущи:/ Ты моя крепость, Господи,// и прибежище, и утверждение.

Ектенія малая: Седальны Триоди, глас 1:

Божественный Твой зрак, во образе образующе, Христѣ,/ ясно вопиѣм Рождество,/ чудеса неизглабо́ланная, больное распятие./ Отонудуже бесове отгонятся страхом,/ и злославнии в посуплении рыдают:// яко сих сопричастницы.

Слава Отцу́ и Сыну и Святому́ Духу.

Зраками пророков, апостолов видами,/ мучеников священных, и святых всех иконами,/ и изображенными священно красуется,/ Жениха же мысленнаго и Невесты украшается умными красованьями,// мати вышний Сион.

И ныне и присно и во веки веков. Аминь.

Любовию, Чистая, Твою святую икону почитающим,/ и Божию Тя истинную Матерь согласно возвещающим,/ и верно поклоняющимся Ти,/ хранительница явилася еси, и

державное предстательство,/ отвращаючи всякое лютое
далече сих,// яко вся могущая.

Песнь 4:

Ирмос: Гору Тя благодатию Божиею приосененную,/ прозорливыма Аввакум// усмотрив очима,/ из Тебе изыти Израилеву провозглашаше Святому,// во Спасение наше и обновление.

Кто сей Спас иже из Едома исходя, венеч нося терновен,/ очервленну ризу имий, на древе вися;/ Израилев есть Сей Святой,// во Спасение наше и обновление.

Видите людие непокоривии, и устыдитесь:/ Егже бо яко злодея вы вознести на крест у Пилата испросите умовредне,// смерти разрушив силу, боголепно воскрес из гроба.

Древо Тя, Дево, жизни вемы:/ не бо снеди плод смертоносный человеком из Тебе прозябе,/ но живота присносущнаго наслаждение,// во Спасение нас поющих Тя.

Кто Сей красен из Едома,/ и Сего очервление ризное, от винограда восорска,/ красен яко Бог,/ яко человек же, кровию плоти ризу очервлену нося;/ Емуже поем вернии:// слава силе Твоей, Господи.

Христос будущих благ явлься Архиерей,/ грех наш разорил есть:/ и показав странен путь Своею кровию,/ в лучшую и совершеннейшую вниде скнию,// Предтеча наш во святая.

Слыши чудес небо, и внушай земле,/ яко Дщи перстнаго убо падшаго Адама, Богу наречена бысть,/ и Своему Содетелю Родительница,// на Спасение наше и обновление.

Поем великое и страшное Твое таинство,/ премирных бо утайвся чиноначалий,/ на Тя Иже сый сниде яко дождь на руну, Всепетая,// на Спасение нас поющих Тя.

Найдем Божественным Утешителя, Твой храм освятит,/ и пришествием Сего еретическую прелесть отженит,// Слове Божий многомилостиве.

Нужднейшаго избавивый злочестия Твоя люди,/ покажи
благочестия ревностию разжжены,/ и верою взывающия://
слава силе Твоей, Господи.

Священнообразными изображеньми,/ образов Христовых
зряще и Богородицы,/ сияющая Божественная селения,//
священнолэпно радуемся.

Царьца по обоему украшена,/ истиннаго возжелвши
Христова Царства,/ Сего написа образ пречистый,// и святых
изображения.

Богородичен: Воплощенна родивши Божественнаго
Слова,/ Боголэпное освящение Благодатная, Сего показала
еси,// темже Твой храм световидный обновляем.

Катавасия, глас 4: Вознесена Ты видевши Церковь на
Кресте,/ солнце праведное,/ ста в чине своем,/ достойно
зывающа:// слава силе Твоей, Господи.

Песнь 5:

Ирмос: Просветивый сиянием пришествия Твоего, Христе,/ и осветивый Крестом Твоим мира концы,/ сердца просвети светом Твоего Богоразумия,// православно поющих Тя.

Пастыря овцам великаго и Господа,/ иудеи древом крестным умертвиша:/ но Той яко овцы, мертвые, во аде погребенныя,// державы смертныя избави.

Крестом Твоим мир благовестив,/ и проповедав пленным, Спасе мой, оставление,/ державу имущаго посрамил еси, Христе:// нага, обнищавша показавый Божественным востанием Твоим.

Прошения верно просящих, Всепетая, не презри:/ но прими, и сия доношай Сыну Твоему, Пречистая,/ Богу Единому Благодетелю,// Тебе бо Предстательницу стяжахом.

О богатство, и глубино премудрости Божия!/ Премудрая объемяй Господь,/ от сих коварства избавил еси нас:/ пострадав бо волею немощию плотскою,// Своею крепостию, животворяй мертвые воскресил еси.

Бог съй соединяется плóти нас рáди:/ и распина́ется, и умира́ет: погреба́ется, и па́ки воскресáет,/ и восхóдит свѣтло с плóтию Своёю Христóс ко Отцý:// с нёюже придет, и спасёт благочѣстно Тому́ служа́щия.

Веселя́тся небѣсныя сѣлы зря́ще Тя:/ рáдуются с нѣми челове́ков собра́ния:/ Рожде́ством бо Твоѣм совокупѣшася, Дѣво Богородице, // ёже досто́йно сла́вим.

Да двѣжатыя вси язѣцы челове́чести и мѣсли,/ к похвалѣ челове́ческаго войстинну удо́брения,/ Дѣва предстоит ѡ́убе сла́вящи, // ве́рою То́я пою́щих чудеса́.

Положи́, Го́споди, Твоѣй Цѣркви утвержде́ние,/ непрекло́нней пребы́ти в век ве́ка // от смяте́ний ересей.

Во всю зѣмлю свѣтлость возсия́ свѣше,/ да́ннаго ве́рным весѣлия, // и Божѣственнаго заступле́ния.

Еди́не Благи́й, и исто́чнице бла́гости,/ Ты возвы́си правосла́вных рог, // чту́щих о́браз Тво́й.

Свет незаходи́мый нам благочѣстия возсия́,/ велѣнием Богодухнове́нным ве́рных па́стырей, // и ма́нием Богому́дрым.

Богородичен: Обновѣнам дре́внее благоле́пие, / Пречи́стая Богома́ти, / и дом Тво́й сей освяти́ // Твоёю благода́тию.

Катава́сия, глас 4: Ты Го́споди мой, Свет в мир пришёл еси́./ Свет Святы́й, обраца́я из мра́чна неведе́ния, // ве́рою воспева́ющих Тя.

Песнь 6:

Ирмо́с: Обы́де нас послѣдняя бѣдна, / несть избавля́яй, / вмени́хомся, я́ко о́вцы заколе́ния, / спаси́ лю́ди Тво́я, Бо́же наш, // Ты бо крѣпость немощствую́щих и исправле́ние.

Согреше́нием перво́зданнаго, Го́споди, лю́те уязви́хомся, / ра́ною же исцели́хомся Твоёю, / ёюже за ны уязви́лся еси́, Христé: // Ты бо крѣпость немощствую́щих и исправле́ние.

Возвѣл ны еси́ из а́да, Го́споди, / кѣта уби́в всея́дца, Всесѣ́льне, / Твоёю держа́вою низложи́в то́го сѣлу: // Ты бо Живóт, и Свет еси́, и Воскресе́ние.

Веселя́тся о Тебе́, Де́во Пречи́стая, / ро́да на́шего пра́отцы,
Еде́м восприе́мше Тобо́ю, / е́гоже преступле́нием погуби́ша://
Ты бо, Чи́стая, и прѣ́жде Рожде́ства, и по Рожде́ствѣ еси́.

Ум сый безстра́стен и невещѣствен, / примеша́ется Христо́с
Бог челове́ческому уму́, / ходата́йствующему Божѣ́ственным
естество́м, плоти́ же дебелъство́м, / и все́му мне непрело́жен
весьма́ соедини́ся:// да Спасе́ние все́му мне па́дшему пода́ст
распина́емь.

Па́дает прельсти́вся Ада́м, и запя́выйся сокруша́ется, /
наде́ждою обоб́ган сый дре́вле обожѣ́ния: / новоста́ет соединѣ́нием
Сло́ва обожáемь, / и стра́стию безстра́стие прие́млет, / на престо́ле
я́ко Сын сла́вится, // седя́й со Отце́м же и Ду́хом.

Предсто́ят раболѣ́пне Рожде́ству Твоему́ чи́ни небѣ́снии, /
дивя́щаяся досто́йно Твоему́ безсе́менному Рожде́ству,
Присноде́во:// Ты бо, Чи́стая, и прѣ́жде Рожде́ства, и по
Рожде́ствѣ еси́.

Воплоти́ся прѣ́жде сый Безплóтен, Сло́во из Тебе́,
Пречи́стая, / вся́ческая во́лею творя́й, // безтелѣ́сных
во́инства приве́дй от небы́тия, я́ко Всеси́лен.

Пи́шется и почита́ется ве́рно / поклоня́емый о́браз
Влады́ки, / и прие́млет па́ки Це́рковь дерзнове́ние, //
благоче́стно Спа́са прославля́ющи.

Обнажа́ется се́тования, и тьмы ересѣ́й Христо́ва Це́рковь, /
и но́сит ризу весе́лия, // и Божѣ́ственную и светонóсную
покрывáется благода́тию.

Благосла́вия дре́вняго осия́ния получи́ правосла́вных
собо́р, / Феодо́ры мановѣ́нием цари́цы, // и ея́ сы́на
благоче́стиваго Миха́ила самоде́ржца.

Богоро́дичен: Дре́вле свидѣ́ния повелѣ́вый б́ити
скі́нии, / я́ко в скі́нии словѣ́сней, в Тебе́ живѣ́т Еди́н
Препросла́вленный, // прославля́яй храм Твой, Де́во, чудесы́.

Катава́сия, глас 4: Пожру́ Ти со гласом хвалѣ́ния, Го́споди, /
Це́рковь вопи́ет Ти, / от бесо́вския крóве очи́щися, / ра́ди
ми́лости от ребр Твои́х // истѣ́кшею крóвию.

Ектенія мала: Конда́к Трио́ди, глас 2:

Неоп́санное Сло́во О́тчее,/ из Тебе́, Богоро́дице,
описа́ся воплоща́емь,/ и оскве́рншийся о́браз в дре́внее
вообрази́в,/ Божество́нную добро́тою сме́сь,/ но
испове́дающе спасе́ние,// де́лом и сло́вом, си́е вообража́ем.

Си́е смотре́ния та́инство,/ дре́вле проро́цы Богови́дно
вдохнове́ни б́ывше,/ нас ра́ди в концы́ веко́в дости́гших
предвозвести́ша,/ получи́вше сегó сия́ния./ Ра́зум у́бо
Божество́нный от него́ вземше,/ Еди́наго Го́спода Бо́га
зна́ем,/ в три́ех Ипоста́сах покланя́емаго,/ и Тому́ еди́ному
служи́ще,/ еди́ну ве́ру, и еди́но креще́ние иму́ще,/ во Христа́
облекóхомся,/ но испове́дающе спасе́ние, де́лом и сло́вом,//
си́е вообража́ем.

Песнь 7:

Ирмо́с: Тебе́ у́мную, Богоро́дице, пещь/ рассмотре́ем,
ве́рнии,/ я́коже бо о́троки спасе́ три Превозноси́мый,/ мир
обнови́, во чре́ве Твоём всеце́л,// хва́льный отце́в Бог и
препросла́влен.

Убо́яся земля́, сокры́ся со́лнце, и поме́рче свет,/ раздра́ся
церкóвная божество́нная завеса́,/ ка́мение же разсе́дися:/
на кресте́ бо ви́сит Пра́ведный,// Хва́льный отце́в Бог, и
препросла́влен.

Ты быв а́ки безпомóщен,/ и уязвен в ме́ртвых волею нас
ра́ди/ превозноси́мый, вся свободи́л еси́,/ и держа́вную руко́ю
совоскреси́л еси́,// хва́льный отце́в Бог, и препросла́влен.

Ра́дуйся, исто́чнице присноживи́я воды́./ Ра́дуйся, раю́
пи́щный./ Ра́дуйся, стено́верных./ Ра́дуйся, Неискусобра́чная./
Ра́дуйся, всеми́рная Ра́досте́,/ Ё́юже нам возсия́// Хва́льный
отце́в Бог, и препросла́влен.

Дре́вле у́бо прокля́та бысть земля́/ А́велевою
очервлени́вшисья крóвию, братоуби́йственною руко́ю:/
боготóчною же Твоёю крóвию благослови́ся окроплена́,/ и
взыгра́ющи вопи́ет:// отце́в Бо́же, благословен еси́.

Да рыдають иудейстии богопротівнии людіе,/ дерзости
убиенія Христова:/ языцы же да веселятсѧ,/ и рукамы да
восплещут, и вопіют:// отцев Бже, благословен еси.

Тя, Богородице, лествицу Иаков пророчески разумевает:/
ТобюбоПревозносимыйназемлявися,/исчеловекипоживе,
яко благоволи,// Хвальный отцев Бог и Препрославлен.

Радуясь, Чистая, из Тебе пройде Пастырь,/ Иже во Адамову
кожу обокся войстинну Превозносимый,/ во всего мя
человека, за благоутробию непостижное:// Хвальный отцев
Бог и Препрославлен.

Да сликовствует церковней светлости/ любовию
Божественною ангельское воинство,/ Богомудренно
воспевающее:// благословен еси в храме славы Твоея,
Господи.

Церковь перворожденных, и торжество радуется,/ зряще
ныне божественныя люди, единомудренно воспевающие://
благословен еси в храме славы Твоея, Господи.

Избавлены прежде мрачныя ереси,/ манием Феодоры
достопыныя царицы, воспеваем:// благословен еси в храме
славы Твоея, Господи.

Паче вышних ликостояний, вознеслася еси Всечистая,/
едина бывши Мати Вседетеля./ Радующеся убо взываем://
благословенна Ты еси в женах, всенепорочная Владычице.

Катавасия, глас 4: В пещи Авраамстии отроцы персидстей,/
любовию благочестия паче,/ нежели пламенем опаляеми
взываху:// благословен еси в храме славы Твоея, Господи.

Песнь 8:

Ирмос:В пещи отроцы Израилевы,/ якоже в горниле,
доброютоу благочестия чистее злата блестяхуся, глаголюще:/
благословите, вся дела Господня, Господа,// пойте и
превозносите во вся веки.

Иже волею вся творяй, и претворяяй,/ обращаяй сень
смертную в вечную жизнь,/ страстию Твоею, Слове Божий,/

Тебѣ непрестанно вся дела Господня, // Господа поим, и превозносим во вся веки.

Ты разорил еси сокрушение, Христѣ, и окаянство, / во вратех и твердынях адовых, / воскрес из гроба тридневен. / Тебѣ непрестанно вся дела, яко Господа, поют, // и превозносят во вся веки.

Яже без семени и преестественно от облистания Божественнаго / Родшую бисера многоценнаго Христа, воспойм глаголюще: / благословите вся дела Господня, Господа, // пойте и превозносите Его во вся веки.

Приидите, людие, поклонимся месту, / на немже стоятъ пречистей ноге, / и на древе божественней Христове длани животворящей простростесь, / на Спасение всех человеков, / и гроб животный обстоюще, поим: / да благословит тварь всякая Господа, // и превозносит во вся веки.

Обличися богоубийц иудеов пребеззаконное оклеветание: / Егоже бо лестца нарекоша, воста, яко Силен, / наругався безумным печатем. / Темже радуящися, воспойм: / да благословит тварь всякая Господа, // и превозносит во вся веки.

Чертог световидный, из негоже всех Владыка, / яко Жених произыде Христос, / воспойм вси вопиюще: / вся дела Господня, Господа пойте, // и превозносите во вся веки.

Радуйся, Престоле славный Божий, / радуйся, верных стеню, / Еюже сущим во тме возсия свет Христос, / Тебе блажащим, и вопиющим: / вся дела Господня, Господа пойте, // и превозносите во вся веки.

Законы Церкви отеческия сохраняюще, образы пишем, / и лобзаим усты, и сердцем, и хотением / Христовы, и Его святых, зовуще: // благословите вся дела Господня Господа.

На первообразное яве образа, / почать и поклонение возносяще, / чтим, Богоглаголивых учением последующе, / и Христу верою зовем: // благословите вся дела Господня Господа.

Ум озаривши просвещением Божественнаго Духа, /

честная царица, плоды Богомудренныя имуще,/ благолепие возлюбй Церкви Христовы, и красоту,// благословящи купно с верными Иисуса Богочеловека.

Богородичен: Лучами света умнаго, освещаемый Божественный дом Твой,/ осеняет ныне всех облаком Духа,/ и освящает верныя согласно поющия:// благословите вся дела Господня Господа.

Катавасия, глас 4: Хвалим, благословим, поклоняемся Господеви, поюще и превозносяще во вся веки. Руце распростер Даниил,/ львов зияния в рове затче:/ огненную же силу угасиша,/ добродетелию препоясавшися,/ благочестия рачители отроцы, взывающе:// благословите вся дела Господня Господа.

И поем Песнь Пресвятой Богородицы: Величит душа Моя Господа. По сем:

Песнь 9

Ирмос: Образ чистаго рождества Твоего,/ огнепальная купина показана неопальная;/ и ныне на нас напастей свирепеющую угасити, молимся, пещь,// да Тя, Богородице, непрестанно величаем.

О како, людие беззаконнии и непокоривии,/ лукавая совещающе,/ гордаго и нечестиваго оправдиша:/ Праведнаго же на древе осудиша Господа славы,// Егоже достойно величаем!

Спасе Аггиче Непорочно,/ Иже мира грехи вземый,/ Тебе славим воскресшаго тридневно,/ со Отцем и Божественным Твоим Духом,/ и Господа славы:// Егоже богословяще, величаем.

Спаси люди Твоя, Господи,/ ихже стяжал еси честною Твоею кровию,/ церквам Твоим подай мир, Человеколюбче,// Богородицы молитвами.

Прославися неизреченною силою Твоею/ крест Твой, Господи,/ немощное бо Твое паче силы всем явися:/ имже сильнии убо низложены быша на землю,// и нищии к небесам возводими бывають.

Умертвѣся мѣрзкая наша смерть, из мѣртвых Воскресѣнием:/ Ты бо явѣлся сущим во аде Христѣ,/ живѣт даровал еси.// Тѣмже Тя, яко жизнь и воскресѣние и свет Ипостасный поюще, величаем.

Из корене Давидова прозяблѣ еси прорѣческаго, Дѣво, и богоотѣческаго:/ но и Давида яко воистинну Ты прослѣвила еси,/ яко рѣдши прорѣчествованнаго Гѣспода слѣвы:// Егѣже достѣйно величаем.

Всяк похвѣльный, Пречѣстая, закон/ побеждаѣтся величеством слѣвы Твоея./ Но о, Владычице, от раб Твоѣх недостѣйных,/ от любвѣ Тебѣ приносѣмое примѣи, Богородице,// со усѣрдием пѣние похвѣльное.

Священнописанными образѣв украшеную,/ зряще паки честную Цѣрковь,/ со благоговѣнием вси притечѣм и Бѣгу возопѣим:// Тебѣ величаем, Трисвятыи.

Честь и слѣву стяжавши Цѣрковь,/ Крест Твой и честныя икѣны, и святых изображенія,// с весѣлием, Владыко, и радѣстѣю величаѣет Тя.

Осветѣ Божѣственную Твоею слѣвою люди наши Щѣдрый,/ и ополченными ангельскими, и всеоружествы сѣя огради,// язѣиков свирѣпство покарѣя им, Владыко.

Богородичен: Взѣтсѣ прамѣтере Ёвы осужденіе, Богородице,/ яко Ты всех Владыку несказанно, Чѣстая, родила еси.// Егѣже и ныне подѣбие на икѣнах целѣем.

Катавѣсія, глас 4: Камень нерукосѣчный/ от несекѣмых горѣ Тебѣ, Дѣво,/ краеугѣльный отсѣчѣся,/ Христѣс, совокупѣвый разстоящаяся естества.// Тем веселящѣся Тя, Богородице, величаем.

Ектенія малая, по сем светилен:

Заклучѣнным Владыко двѣрем, яко вшел еси,/ Апѣстолы испѣлнил еси Дѣуха Пресвятаго, мѣрно дѣнув,/ ѣмже вязати же и решати грѣхи рекл еси:/ и по осми днѣх Твоѣя рѣбра Фомѣ показал еси, и рѣце./ С нимже вопѣем:// Господь и Бог Ты еси.

Слава Отцу и Сыну и Святому Духу. Взыграйте, восплещите, с веселием воспойте:/ коль чудная и странная Твоя, Христэ, вопиюще, дела!/ И кто возможет изрещи, Спасе, могущества Тебэ,/ наше единомыслие и согласие// во единому соединившаго церковь?

И ныне и присно и во веки веков. Аминь Оружия ныне оскудеша враждебныя ереси,/ и память ея исчезе с шумом:/ храм бо Твой, Всечыстая, всеблаголепно зряще,/ украшенный благодатьми честных икон,// радости исполняемся вси.

По сем Стихиры на Хвалитнах, глас 1:

Всякое дыхание да хвалит Господа./ Хвалите Господа с небес,/ хвалите Его в вышних.// Тебэ подобает песнь Богу.

Хвалите Его вси ангели Его,/ хвалите Его вся силы Его.// Тебэ подобает песнь Богу.

Поём Твою, Христэ, спасительную страсть,// и славим Твоё Воскресение.

Крест претерпевый, и смерть упразднёвый,/ и воскресий из мёртвых,/ умири нашу жизнь, Господи,// яко един Всесильен.

Ада пленивый, и человека воскресивый,/ Воскресением Твоим, Христэ,/ сподоби нас чистым сердцем// Тебэ пети и славити.

Боголепное Твоё снисхождение славяще,/ поём Тя, Христэ./ Родился еси от Девы,/ и не разлучен был еси от Отца,/ пострадал еси, яко человек,/ и волею претерпел еси Крест,/ воскресл еси от гроба, яко от чертога произшед,/ да спасеши мир,// Господи слава Тебэ.

Егда пригвоздился еси на древе крестнем,/ тогда умертвися держава вражия:/ тварь поколебася страхом Твоим:/ и ад пленен бысть державою Твоею:/ мёртвые от гроб воскресил еси,/ и разбойнику рай отверзл еси:// Христэ Боже наш, слава Тебэ.

В Тебэ ныне радуется Церковь, Человеколюбче,/ Женисе и Создателе своём,/ сию волею Боголепною/ от идоляския

лѣсти избáвльшем,/ и Себѣ обручívшем честнóю крóвию,/ свѣтло приѣмлющи священное возставлѣние икóн,// и рáдующися Тя поёт, и слáвит вѣрно.

Плóти изображѣние Твое ѡзставлѣюще, Гóсподи,/ любѣзно лобызáем,/ великое тáинство смотрѣния Твоего изъясняюще:/ не мнѣнием бо, я́коже глаго́лют богобóрнии дѣти Мánентовы,/ нам явѣлся есѣ, Человеколóбче,/ но ѣстиною и естеством плóти,// Тобóю возводѣми к Твоей любвѣ, и желáнию.

День рáдостный, и весѣлия исполненный явѣся днесь:/ свѣтлость бо догмáт ѣстиннейших блистаёт,/ и сияет Цѣрковь Христóва/ украсѣна возставлѣнными икóн святѣх ны́не,/ и изображѣний сияньми,// и единомы́слие бывáет вѣрных Богопочтѣнное.

Моисѣй во время воздержáния/ закóн прѣят, и лю́ди привлечѣ;/ Или́я постѣвсѣ небесá заключѣ;/ три́е же óтроцы Авраáмстии,/ мучѣтеля беззакóннующа пощѣнием победѣша./ Ёмже и нас, Спáсе, сподóби/ Воскресѣние уллучѣти, сѣце вопи́ющих:// Святѣй Бóже, Святѣй Крѣпкий, Святѣй Безсмѣртный, помѣлуй нас.

Слáва Отцú и Сýну и Святóму Дúху.

Моисѣй во время воздержáния/ закóн прѣят, и лю́ди привлечѣ;/ Или́я постѣвсѣ небесá заключѣ;/ три́е же óтроцы Авраáмстии,/ мучѣтеля беззакóннующа пощѣнием победѣша./ Ёмже и нас, Спáсе, сподóби/ Воскресѣние уллучѣти, сѣце вопи́ющих:// Святѣй Бóже, Святѣй Крѣпкий, Святѣй Безсмѣртный, помѣлуй нас.

И ны́не и прѣсно и во вѣки веко́в. Амѣнь.

Преблагословѣнна есѣ, Богорóдице Дѣво,/ Воплóщшим бо ся из Тебѣ адплѣнѣся,/ Адáм воззвáся,/ клѣтва потребѣся,/ Ёва свободѣся,/ смѣртъ умертвѣся, и мы ожѣхом./ Тем воспѣва́юще вопи́ем:/ благословѣн Христóс Бог,// благово́ливый тáко, слáва Тебѣ.

По сем Славослóвие великое, ектении и отпуст:

БОЖЕСТВЕННАЯ ЛИТУРГИЯ

По входе с Евангелием:

Кáмени запечáтану от иудей/ и воином стрегущим
Пречíстное Тело Твое,/ воскресл еси триднѣвный, Спасе,/ дáруй ми́рови жизнь./ Сего́ ра́ди Си́лы Небѣсныя вопи́яху Ти, Жизнодáвче:/ сла́ва Воскресѣнию Твоему́, Христѣ,/ сла́ва Цáрствию Твоему́, // сла́ва смотре́нию Твоему́, еди́не Человеколю́бче.

Пречíстому образу Твоему́ поклоня́емся, Благо́й,/ прося́ще прощѣния прегрешѣний на́ших, Христѣ Бо́же,/ во́лею бо благоволи́л еси́ плóтию взы́ти на Крест,/ да изба́виши, я́же создáл еси, от рабóты вра́жия./ Тем благодарственнó вопи́ем Ти:/ ра́дости испол́нил еси́ вся, Спасе наш, // прише́дый спасти́ мир.

Сла́ва Отцу́ и Сы́ну и Свято́му Ду́ху и ны́не и присно и во веки веков. Аминь.

Неопи́санное Сло́во О́тчее,/ из Тебе́, Богороди́це, описáся воплоща́емь,/ и осквѣрнши́йся о́браз в дрѣвнее вообразив,/ Божѣственнóю добрóтою смеси́,/ но исповѣдающе спасѣние, // дѣлом и слóвом, си́е вообража́ем.

Прокíмен недѣли Торжества́ Правосла́вия, глас 4, песнь отцѣв:

Благословѣн еси́ Го́споди Бо́же отец на́ших,/ и хва́льно и просла́влено и́мя Твое́ во ве́ки.

Стих: Я́ко пра́веден еси́ о́ всех, я́же сотвори́л еси́ нам.

*Апóстольское чтѣние недѣли Торжества́ Правосла́вия:
Евр., зач. 329 (от полу́: гл. 11, ст. 24-26, 32, гл. 12, ст. 2)*

Бра́тие, ве́рою Моисѣй, вели́к быв, отвѣржеся нарица́тися сын дщѣре фараóновы. Па́че же избóли страда́ти с людьми́ Бо́жиими, неже́ли имѣти вре́менную грехá сла́дость. Бо́льшее

богáтство вменív егíпетских сокрóвищ поношéние Христóво, взираше бо на мздовозда́ние. И что ещё глаго́лю? Не достáнет бо ми повествую́щу лéта, о Гедеóне, Варáце же и Сампсóне и Иеффáи, о Давíде же и Самуýле, и о другíх прорóцах, íже véрою победíша царствíя, соде́яша прáвду, получи́ша обетовáния, заградíша устá львов, угасíша сýлу óгненную, избегóша óстрея мечá, возмогóша от нéмощи, бýша крéпцы во бранéх, обратíша в бéгство полкí чужíх. Прия́ша женý от воскресéния мёртвыя сво́я; инíи же избиéни бýша, не приéмше избавлéния, да лúчшее воскресéние улучáт. Друзíи же ругáнием и рáнами искушéние прия́ша, ещё же и уз и темнíc. Кáмением побие́ни бýша, претрéни бýша, искушéни бýша, убíйством мечá умрóша, проидóша в мýлотех, и в кóзиях кóжах, лишéни, скорб́яще, озлóблени. Íхже не бе достóин весь мир, в пусты́нях скита́ющаяся, и в горáх, и в верте́пах, и в про́пастех земнýх. И сии вси послúшествовани бýвшие véрою, не прия́ша обетовáния, Бóгу лúчшее что о нас предзрéвшу, да не без нас совершéнство при́мут. Тёмже úбо и мы, толíк имúще облежáщ нас óблак свидéтелей, гóрдость вся́ку отлóжше, и удóбь обстоя́тельный грех, терпéнием да течём на предлежа́щий нам пóдвиг, взира́юще на начальника véры и совершíтеля Иисýса.

Аллилу́рий недéли Торжествá Правослáвия, глас 8:

Стих: Моисéй и Аарóн во иерéех Егó, и Саму́ил в призывáющих íмя Егó.

Стих: Призывáху Гóспода, и Той послúшаше их.

Евáнгельское чтéние недéли Торжествá Правослáвия:

Ин., зач. 5 (гл. 1, стт. 43-51)

Во врéмя óно, восхотé Иисýс изы́ти в Галилéю, и обрéте Филíппа и глаго́ла ему́: грядí по Мне. Бе же Филíпп от Вифсайды, от гра́да Андрéова и Петрóва. Обрéте Филíпп Нафанáила, и глаго́ла ему́: Егóже писá Моисéй в закóне и

пророцы, обретóхом Исúса сýна Иóсифова, íже от Назарéта. И глагóла емú Нафанáил: от Назарéта мóжет ли что добрó бýти? Глагóла емú Филипп: приидí и виждь. Вíде же Исúс Нафанáила грядúща к Себé, и глагóла о нем: се, воистинну Израильтýнин, в нёмже льсти несть. Глагóла Емú Нафанáил: кáко мя знáеши? Отвещá Исúс, и речé емú: прéжде дáже не возгласí тебе Филипп, сýща под смокóвницею вíдех тя. Отвещá Нафанáил и глагóла Емú: Раввí, Ты есí Сын Бóжий, Ты есí Царь Израíлев. Отвещá Исúс, и речé емú: занé рех ти, я́ко вíдех тя под смокóвницею, веруеши: бóльша сих úзриши. И глагóла емú: амíнь, амíнь глагóлю вам, отсéле úзрите нéбо отвéрсто и Áнгелы Бóжия восходя́ща, и нисходя́ща над Сýна Человéческаго.

Вместо «Досто́йно»:

О Тебé радуется, Благодáтная вся́кая тварь,/ Áнгельский собор и человéческий род,/ освящéнный хра́ме и раю́ словéсный,/ девственная похвалó,/ из Нея́же Бог воплотíся,/ и Младéнец бысть, прéжде век Сый Бог наш:/ ложесна́ бо Твоя́ престóл сотвори́/ и чрэво Твоё пространнее Небéс соделá.// О Тебé радуется, Благодáтная, вся́кая тварь, сла́ва Тебé.

Прича́стен:

Хвалíte Гóспода с небéс, хвалíte Его в вы́шних.

Ра́дуйтесь, пра́веднии, о Гóсподе, пра́вым подобáет похвалá. Аллилúия, аллилúия, аллилúия.

